



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1862**

IV. Kaiser Lothar vereignet dem Kloster Hillersleben verschiedene  
Besitzungen, am 9. April 1135.

---

---

**Nutzungsbedingungen**

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

III. Bischof Otto von Halberstadt bestätigt dem Kloster Hiltersleben die Zehnthebung aus Putgoritz und Bofitz, am 7. April 1135.

In nomine sancte et individue Trinitatis. Otto, dei gracia halberstadenfis episcopus, Notum esse cupimus presentibus et futuris cristifidelibus, quod respectu remuneracionis diuine necnon et monastice statu et propagacione ecclesie sancti laurencii martyris in hildefleue decimam ville putgoriz et adjacentis sibi bosici, quas venerabilis irminhardus, ejusdem loci abbas, ab Ottone, aduocato, et fratre ipsius thiderico emit, perpetuo iure tradidimus. Hanc autem nostre donacionis iustam tradicionem, ad supplementum victualium deo ibi famulancium donatam, ne ullus successorum nostrorum temere vel infringere, seu quelibet alia persona spiritualis aut secularis in posterum presumat invadere, banni nostri et perpetue ulcionis dei et eiusdem martyris interminacione inhibemus. Et huius facti nostri testes uiros venerabiles subter annotauimus, Martinum, abbatem de ilfeneborch, Alberum, abbatem de hugifborch, Wolterum maiorem prepositum de bossenloue, Erp decanum, Martinum custodem, Popponem comitem, Adelbertum comitem, Berengarum aduocatum, Ottonem comitem, Thidericum, fratrem eius, aliosque plures uiros nobiles. Datum halberstad, VII. idus aprilis, Anno dominice incarnationis M<sup>o</sup>. C<sup>o</sup>. XXXV<sup>o</sup>., Indictione XIII, in dei nomine feliciter amen.

Cap. I, fol. 16.

IV. Kaiser Lothar verzeignet dem Kloster Hiltersleben verschiedene Besitzungen, am 9. April 1135.

In nomine sancte et individue Trinitatis. Ego Lotarijs, imperator romanorum tertius, recognoscat fidelium per omnem etatem successio, fundum a Waldrico sacerdote et canonico Halberstadenfis ecclesie comparatum a Bernharde de Dracalftedi et beato Laurentio in Hildefleue traditum, sed a Friderico Palatino Comite iniuste ablatum, me iuste eidem sancto martiri restituisse. Hujus vero predii summa est mansus et dimidijs et due aree, quod simul situm est in villa que dicitur Druchdelberg. Preterea petente venerabili Abbate et Ottone, aduocato ejusdem ecclesie, et etiam petente Adalberto, marchione, contuli prefato martiri et fratribus ejusdem loci redditum annualem, qui vocatur Wozop, super duas villulas ipsis prope adjacentes, quarum nomina sunt hec potgorizi et bolizi. Specialiter autem libertates et immunitates aliaque bona, que in presenti possident aut in futurum iustis modis poterunt adipisci, nec non liberam electionem Abbatis intra suum cenobium fratribus concessi. Hujus ergo restitutionis et donacionis testes sunt Otto, Halberstadenfis episcopus, Hartmannus capellarius, Vdo, cicensis episcopus, interfuere quoque eidem curie nostre Gerhardus cardinalis, Bremensis archiepiscopus, Hildinheimensis, Mindensis, Merfburgensis, Huelbergenfis, Brandenburgensis episcopi, Corbeensis Abbas, Anselm de moguncia prepositus,



Albertus de Goflaria prepositus, Otto, palatinus comes, Adelbertus, marchio, Conradus, marchio, Henricus, marchio, Ludeuicus, comes, Otto, comes, in Hildeleue aduocatus. Actum est istud in Halberstad, in pascha feria tertia, Anno dominice incarnationis M<sup>o</sup>. C<sup>o</sup>. XXX<sup>o</sup>. V<sup>o</sup>. Si quis autem hoc nostre restitutionis atque donacionis monumentum infregerit, imperialis maiestatis reus erit. Amen.

Gerden's Cod. I, 6.

V. Bischof Rudolph von Halberstadt genehmigt einen Gütertausch zwischen Hillersleben und Walbeck, am 11. April 1145.

In nomine sancte et individue Trinitatis. Rodolfus, dei gracia halberstadenfis episcopus, Notum sit omnibus cristifidelibus tam futuris quam et presentibus, qualiter dominus irminhardus, hildesleuensis cenobii abbas, ac hartmannus, wallebecensis prepositus, quedam ecclesiarum suarum predia pro commoditate et situ eorundem prediorum utrilibet monasterio adiacencium cambiando commutare pari consilio ac uoto sui fratrumque suorum consenserunt. Igitur III<sup>or</sup> mansos in villis mendorp ac wallendorp, quos hildesleuensis ecclesia a longis retro temporibus possederat, cum omnigeno ex ipsis commoditatum prouentu prefatus abbas wallebecensi ecclesie ex hoc et omni in futurum tempore perpetuo iure possidendos tradidit, et reciproca uiciflutudine suscepit predium, quod, situm in ripis albie et ore fluminum, in Villa elbui dicta, hactenus wallebecensi ecclesie pertinuerat, quatinus ipsum deinceps predium cum omnibus utilitatibus suis et attinenciis, terris scilicet cultis et incultis, pratis, pascuis, aquis, siluis, piscationibus, questis et acquirendis in cuncta posteritatis tempora hildesleuense monasterium inconuulsa firmitate possideat. Addidimus etiam ex nostro, ut si abbas et fratres ipsius agriculturam in predicta uilla habere uoluerint, decimam de nutrimentis pecorum suorum ex nostra donacione in perpetuum libere possideant. Hec ergo donacionis actio et commutacionis pactio, a prefatis utriusque ecclesie prouisoribus et fratribus aduocatisque uicissim collaudata, et generali sinodo halberstadenfi coram sacro et venerabili clero et omni populo recitata, nostra pontificali auctoritate cum terribilis banni interminacione et sigilli nostri impressione legitime est corroborata. Eius donacionis siue pactionis testes fuerunt: Ex parte hildesleuensium Dominus ekbertus hugisburgenfis, sygobodo hilfeneburgenfis, abbates, Martinus, maioris ecclesie prepositus, et erpo, decanus, adelbertus, marchio, et otto, filius eius, otto, comes de hildesleuen, aduocatus eiusdem cenobii, cum thiderico, fratre suo, hinricus de wichmansdorp et alii complures. Ex parte uero wallebecensium: fredericus, comes palatinus, eiusdem ecclesie aduocatus, et filius eius albertus, hinricus, prepositus, et reynfridus, decanus, Irmingat, marchionissa, fredericus, marquardus, ekehardus, nobiles; Retherer, hugo, adelbertus, fridericus, adelgoz, ministeriales, alique complures. Datum III. idus aprilis, per manum domini rodolfi, halberstadenfis ecclesie episcopi, Anno dominice incarnationis M<sup>o</sup>. C<sup>o</sup>. XL. V<sup>o</sup>., Indictione VIII.

Cop. I, fol. 14.